

ԿԱՐՏԻԷ

ԵՐԵՎԱՆՅԱՆ ՇՈՒՏ

ԿԱՅԱՅԵԼ Է «ՄԵՐ ԲԱԿԸ՝ 25 ՏԱՐԻ ԱՆՑ» ՖԻԼՄԻ ՂԵՄԻԵՐԱՆ

Երեկ մեծ էկրան բարձրացավ «Մեր բակը՝ 25 տարի անց» գեղարվեստական ֆիլմի 4-րդ մասը: Ֆիլմի հայտնի հերոսները՝ Լալան, Ասոսը եւ Հրանցը, վերադարձել են նոր դաստիարակման, նոր հունարային մտեցումներով եւ խաղով:

«Շողովուրդ» օրաթերթը սիրով իր ընթերցողներին ներկայացնում է «Մեր բակը՝ 25 տարի անց» ֆիլմի պրեմիերայի գլխավոր հյուրերին:

Ֆիլմի ռեժիսոր Արշալույս Զարուբյանյանի աչքերով հայտնի բակը նույնն է, հերոսները՝ նա, բայց նրանց միացել են նոր դեմքեր՝ բակի երեխաները, որոնք մեծացել են, եւ չնայած ծավալվող բոլոր իրադարձություններին ու փոխված իրավիճակներին՝ գաղափարը նույնն է, եւ ֆիլմում չի փոխվել կարեւոր մի բան՝ երեւանյան շունչն ու կոլորիտը:

«Ճատ ուրախ եմ, որ ես էլ դարձա «Մեր բակի» ընտանիքի անդամ: Սկզբում կարծում էի՝ ամենահուզիչ ու պատասխանատուն այն պահն էր, երբ ես առաջարկություն ստացա ֆիլմը նկարահանելու: Դեռ տո ինձ թվաց, որ ամենահուզիչ ու պատասխանատու պահն այն էր, երբ ես նկարահանումների մեջ էի, իսկ այժմ հասկանում եմ, որ ամենապատասխանատու պահը հիմա է, երբ հազարավոր մարդիկ բոլոր կինոթատրոններում այսօրվանից արդեն նայելու են մեր նոր աշխատանքը: Իսկապես շատ հուզված եմ», -ասաց Արշալույս Զարուբյանյանը:

Ֆիլմի առանցքային կարեւոր կետերից է նաեւ այն, որ 25 տարի հետո դերասանները կարողանան կրկին նույն էմոցիաները եւ նուտալգիկ հույզերը պարզաբանել այնպես, ինչպես եղել է 25 տարի առաջ:

Նշենք, որ «Մեր բակը՝ 25 տարի անց» ֆիլմի սցենարիստներն են Աշոտ Աբրահամյանը, Սարգիս Մնոյանը եւ Ռուբեն Զառինյանը: Ղեկերում հանդես են գալիս Զրանտ Թոխատյանը, Լալա Մնացականյանը, Աշոտ Ղազարյանը, Արուս Տիգրանյանը, Տարոն Իսպիրյանը, Ֆրեդ Յանգմենզը, Արտաշես Ալեքսանյանը, Էրիկ Մոր-



տոն, Զիրոյանը, Զակար Փոքրավորյանը եւ այլք: Գլխավոր պրոդյուսերը Ռուբեն Զառինյանն է, պրոդյուսերներից են նաեւ Արման Միտոյանն ու Տիգրան Վիրաբյանը: Ֆիլմը ներկայացնում են «Առաջին ալիքն» ու «Շարմ» հոլդինգը:

Ի դեպ, հիշեցնենք, որ «Մեր բակը» նախագիծը միավորում է միանման գաղափարներով 3 ֆիլմ՝ երեւանյան բակի կյանքի մասին: Առաջին ֆիլմի պրեմիերան կայացել է 1997 թվականին՝ Ամանորի գիշերը: «Մեր բակը» երաժշտական կատակերգությունը պատմություն է երեւանյան մի տիպային բակի առօրյայից՝ իր ներքին մանր խարդավանքներով, փողոցա-

յին պարզաբանումներով, սիրային պատմություններով: Կինոնկարի կերպարներից են շենքի լիազորը, որին բոլորն անհանգստացնում են իրենց անվերջ բողբոջներով, ոչ մի լուր բաց չթողնող, բամբասկոտ հարեւանուհին, ընթերցասեր եւ մեծ գրողներից մեջբերումներ անող տաղուկայի ու տարօրինակ ամուրին, անհաջողակ նկարիչը, բարեհոգի պաշտոնյան եւ շատ ու շատ ուրիշներ:

«Մեր բակն» ունեցել է 3 մաս: Առաջին «Մեր բակի» պրեմիերան կայացել է 1997թ.-ին, երկրորդը՝ 1998թ.-ին, երրորդը՝ 2006թ.-ին:

ԼԻՂԱ ԵՐԻԱԶՈՐՅԱՆ

ԼՈՒՐԵՐ

ԵԿԱՄՏԱԲԵՐՈՒԹՅՈՒՆԸ ԿԱԶՄՈՒՄ Է 8-9%

2021 թվականի սեպտեմբերի 30-ի դրությամբ «Ամուղի-ԱԿԲԱ Ասեթ Մենեջմենթ»-ի կողմից կառավարվող կենսաթոշակային ֆոնդերի ակտիվների մեծությունը հասել է 220 միլիարդ դրամի՝ միայն երրորդ եռամսյակի ընթացքում աճելով ավելի քան 7 միլիարդ դրամով: Ընկերության կողմից կառավարվող կուտակային կենսաթոշակային երեք ֆոնդերի միջին տարեկան եկամտաբերությունը տատանվել է 8%-9% միջակայքում՝ կարգաված ֆոնդի տեսակից: Ընդ որում, 220 միլիարդ դրամի հիմնական մասը՝ շուրջ 69%-ը, ներդրված է Հայաստանի Զանրապետությունում, իսկ մնացած 31%-ը կազմում են արտասահմանյան ներդրումները, որից մոտ 20%-ը անուղղակիորեն ներդրված է բազմաթիվ ընկերությունների կողմից թողարկած բաժնետոմսերում, իսկ մնացյալ 10%-ը՝ միջազգային տարբեր կազմակերպությունների եւ պետությունների թողարկած պարտատոմսերում:

«Ամուղի-ԱԿԲԱ Ասեթ Մենեջմենթ» ընկերության ֆոնդերի երկարաժամկետ եկամտաբերության բոլոր ցուցանիշները դրական են. ֆոնդերի ստեղծման պահից միջին տարեկան եկամտաբերությունը կազմում է 8-9%: Պետք է խոսել, որ ֆոնդերի եկամտաբերությունը անհրաժեշտ է դիտարկել երկարաժամկետ կտրվածքով, քանի որ դրանց կառավարման ռազմավարությունն ունի երկարաժամկետ բնույթ»,-նշում է ընկերության ֆոնդերի կառավարիչ Զրայր Ալլանյանը:

«Ամուղի-ԱԿԲԱ Ասեթ Մենեջմենթ»-ը վերահսկվում է Հայաստանի Զանրապետության կենտրոնական բանկի կողմից:

ՊԱՐՏԱՎՈՐ ՉԵՆ

Ֆրանսիական ՊՍԺ-ի մարզական տնօրեն Լեոնարդոն հայտարարել է, որ պարտավոր չեն բաց թողնել Արգենտինայի հավաքականի հարձակվող կիոնել Մեսսին եւ Լեանդրո Պարեդեյսին ազգային թիմի նոյեմբերի ընտրական խաղերին: Ֆուտբոլիստները վերականգնվում են վնասվածքներից հետո: «Մենք համաձայն չենք, որ պարտավոր ենք բաց թողնել ֆուտբոլիստներին ազգային թիմեր, երբ նրանք վատ ֆիզիկական վիճակում են կամ վնասվածքներից հետո վերականգնման փուլում են: Դա տրամաբանական չէ: ՖիՖԱ-ն պետք է կարգավորի այդ ընթացակարգը իրավական տեսանկյունից»,- Լեոնարդոյի խոսքը մեջբերում է Goal.com-ը: Մեսսին դեռ բուժում է ծունկը, իսկ Պարեդեյսը վերսկսել է մարզումները ազդրի վնասվածքից հետո: Արգենտինայի հավաքականը հրավիրել է նրանց եւ հույս ունի խաղադաշտ դուրս բերել նոյեմբերի 17-ին խմբի առաջատար Բրազիլիայի դեմ խաղին:

ԼՈՒՐԵՐ

ՓՈՐՉԻ ՊԱԿԱՍԸ ԽԱՆԳԱՐԵՑ

«Կարող էի ոսկե մեդալ նվաճել, բայց փորձի պակասն ինձ խանգարեց»,- ասել է բռնցքամարտի աշխարհի փոխչեմպիոն Դավիթ Չալոյանը: Բռնցքամարտի աշխարհի փոխչեմպիոնը բրոնզե մեդալակիր Զովհաննես Բաչկովի եւ Հայաստանի թիմի հետ Սերբիայից վերադարձավ հայրենիք: «Զվարթնոց» օդանավակայանում մեդալակիրներին մեծ շուքով դիմավորել են բազմաթիվ երկրագույներ, պաշտոնյաներ: «Ճատ լավ ստացվեց աշխարհի առաջնությունն ինձ համար: Չէի սպասում, որ կկարողանամ եզրափակիչ դուրս գալ: Ճատ բարդ մրցակցություն էր: Բոլոր մրցակիցներս ուժեղ էին: Ինձ համար բարդ ստացվեց եզրափակիչ մենամարտը: Այստեղ ինձ փորձի պակասը խանգարեց հաղթելու համար: Կարող էի նաեւ ոսկե մեդալ նվաճել, բայց փորձս քիչ էր: Ճատ ուրախ եմ եւ զգացված, որ ժողովուրդը եկել է մեզ դիմավորելու, հաճելի է տեսնել, որ մեր հաղթանակները ուրախացնում են մեր ազգին: Նաեւ պարտավորեցնող է»,- ասել է 24-ամյա Դավիթ Չալոյանը, որն առաջին անգամ մասնակցեց մեծահասակների աշխարհի առաջնությանը:

գեց մեծահասակների աշխարհի առաջնությանը:

Հիշեցնենք, որ հոկտեմբերի 24-ից նոյեմբերի 7-ը Սերբիայի մայրաքաղաք Բելգրադում տեղի ունեցած բռնցքամարտի աշխարհի առաջնությունում Հայաստանը 12 տարի անց եզրափակիչի մասնակից ունեցավ: Կարեն Աղամալյանի գլխավորած թիմից արծաթե մեդալ նվաճեց Դավիթ Չալոյանը (+92 կգ), բրոնզե մեդալ՝ Զովհաննես Բաչկովը (63,5 կգ): Սա Զովհաննես Բաչկովի երրորդ բրոնզե մեդալն է աշխարհի առաջնություններում:

ՀԱՆԳԻՊՈՒՄ Է ՄՈՂԵԼԻ ՔԵՏ

Ամերկացի ռեփեր Քանյե Ուեսթը՝ Քիմ Բարոնաշյանի նախկին սիրելին, սկսել է հանդիպել 22-ամյա մոդել Վենետիկայի հետ. հայտնում է Page Six-ը՝ վկայակոչելով իր աղբյուրին: Ուեսթին եւ Վենետիկային միասին տեսել են ռեփերի՝ «Drink Champs»-ին տված հարցազրույցից առաջ, ապա կիրակնօրյա արարողության ընթացքում: Վերջերս նրանք միասին ներկա են գտնվել Մինեսոտայի «Donda

Academy»-ի բասկետբոլային հանդիպմանը: «Ինսայդեր»-ին մոտ կանգած աղբյուրը հաստատել է, որ հիփ-հոփ արտիստն ու 22-ամյա մոդելը սկսել են հանդիպել: Ի դեպ, ռեփերի նախկին կինը՝ Քիմ Բարոնաշյանը, սկսել է հանդիպել ամերիկացի դերասան Փիթ Դեյվիդսոնի հետ:

ԾԱՆՈՒՑՈՒՄ

Սույնով տեղեկացնում ենք, որ «Էյ-Էս-Բի-Սի Բանկ Հայաստան» փակ բաժնետիրական ընկերության (ստորել՝ Բանկ) քաղաք Երեւան, 0014, ՀՀՆերսիսյան 1 հասցեում գործող «Ջեյթոն» մասնաճյուղի գործունեությունը դադարեցվելու է 2021թ. Նոյեմբերի 29-ից՝ համաձայն Բանկի խորհրդի 23.09.2021թ. որոշման: Մասնաճյուղի գործունեության դադարեցումը թույլատրվել է ՀՀ կենտրոնական բանկի նախագահի՝ 29.10.2021թ. թիվ 1/566Ա որոշմամբ: Լրացուցիչ տեղեկությունների համար կարող եք գանգահարել Բանկ +37460 655000 հեռախոսահամարով կամ այցելել Բանկի ինտերնետային կայք՝ www.hsbc.am: «Էյ-Էս-Բի-Սի Բանկ Հայաստան» փակ բաժնետիրական ընկերություն:

● «Մոսկվայի տուն» կինոհամերգային դահլիճում նոյեմբերի 12-ին տեղի կունենա Արտյոմ Լալայան 55-ի «Ջազ՝ հայկական ակցենտով» համերգը: Տոմսերի արժեքը՝ 5000, 10000 դրամ: